

את זה תאכלו מכל אשר במים כל אשר לו
סנפיר וקשקשת תאכלו וכל אשר אין לו
סנפיר וקשקשת לא תאכלו טמא הוא לכם
כל-צפור טהרה תאכלו וזה
אשר לא תאכלו מהם הנשר והפרס
והעזניה והראה ואת האיה והדיה
למינה ואת כל ערב למינו ואת בת היענה
ואת התחמס ואת השחף ואת הנץ
למינהו את הכוס ואת הינשוף והתנשמת
והקאת ואת הרחמה ואת השלך והחסידה
והאנפה למינה והדוכיפת והעטלף וכל שרץ
העוף טמא הוא לכם לא יאכלו כל עוף
טהור תאכלו לא תאכלו כל נבלה לגר אשר
בשעריך תתננה ואכלה או מכר לנכרי כי
עם קדוש אתה ליהוה אלהיך לא תבשל גדי
בחלב אמו

אֶת־זֶה תֹאכְלוּ מִכָּל אֲשֶׁר בַּמַּיִם כֹּל
אֲשֶׁר־לוֹ סִנְפִיר וְקִשְׁקֶשֶׁת תֹאכְלוּ: וְכֹל
אֲשֶׁר אֵין־לוֹ סִנְפִיר וְקִשְׁקֶשֶׁת לֹא
תֹאכְלוּ טָמֵא הוּא לָכֶם: כָּל־צִפּוֹר
טְהוֹרָה תֹאכְלוּ: וְזֶה אֲשֶׁר לֹא־תֹאכְלוּ
מֵהֶם הַנְּשָׁר וְהַפֶּרֶס וְהַעֲזִינְיָה: וְהַרְאָה
וְאֶת־הָאִיָּה וְהַדִּיָּה לְמִינָהּ: וְאֶת כָּל־עֶרֶב
לְמִינוֹ: וְאֶת בַּת הַיַּעֲנָה וְאֶת־הַתְּחֻמָּס
וְאֶת־הַשְּׁחָף וְאֶת־הַנֶּץ לְמִינָהּ:
אֶת־הַכּוֹס וְאֶת־הַיִּנְשׁוּף וְהַתְּנַשְּׁמֹת:
וְהַקָּאֵת וְאֶת־הַרְחֻמָּה וְאֶת־הַשְּׁלֶךְ:
וְהַחֲסִידָה וְהָאֲנָפָה לְמִינָהּ וְהַדּוּכִיפָת
וְהַעֲטָלָף: וְכֹל שֶׁרֶץ הָעוֹף טָמֵא הוּא
לָכֶם לֹא יֹאכְלוּ: כָּל־עוֹף טְהוֹר תֹאכְלוּ:
לֹא־תֹאכְלוּ כָל־נְבִלָה לְגֵר אֲשֶׁר־בְּשַׁעְרֵיךָ
תִתְנַנֶּה וְאָכְלָה אוֹ מָכַר לְנֹכְרֵי כִי עִם
קָדוֹשׁ אַתָּה לַיהוָה אֱלֹהֶיךָ לֹא־תִבְשֹׁל
גְּדֵי בַחֲלֵב אִמּוֹ:

